

Q. F. F. S.  
DISSERTATIO  
DE  
DISCRIMINE IVRISIVRANDI  
AFFECTIONIS  
IN  
INFINITVM  
AC IN  
IMMENSVM

---

AD L. 4. §. 2. DE IN LIT. IVR.

---

QVAM  
SVB PRAESIDIO  
DN. AVGVSTINI LEYSERI  
I. C.

IN POTENTISSIMI REGIS POLONIARVM ET PRIN  
CIPIS ELECTORIS SAXONIS AVLA CONSILIARII, IN ACADE  
MIA VITEMBERGENSI ORDINARII, CONSISTORII ECCLE  
SIASTICI DIRECTORIS, CVRIAE PROVINCIALIS AC SCA  
BINATVS ASSESSORIS PRIMARI  
PRO SVMMIS IN IVRE VTROQUE OBTINENDIS  
HONORIBVS

DIE DECEMBR. A. Q. S. P. clb Is cc XXXVII  
IN AUDITORIO MAIORI  
H. C.

PVBLCI TVSSITVR  
IOANNES GVILIELMVS STRVVIVS  
FRANCOHVS. SCHVVRTZBVRGICVS.

VITEMBERGAE LITTERIS SCHEFFLERIANIS.



IVDICII CIVILIS SUPREMI

QVOD

CAELESTI MVNERE

SERENISSIMIQUE PRINCIPIS

SCHVVARTZBURGICI

IVDICAT FRANCOHVSAE

**PRAESIDI**

ANTIQVI GENERIS SPLENDORE

ET

PLVRIMARVM DIGNITATVM DIGNA

TOT MERITIS PVRPURA

FVLGENTI

LEGVM SCIENTIA SCAEVOLAE

NEC NON

**ASSESSORIBVS**

STIRPIS FAMILIAEQVE FAMA

PARITER AC

HONORVM DOCTRINAEQVE VARIETATE

CLARIS

VSVQVE RERVM PERITISSIMIS

PERILLVSTRI AC EXCELLENTISSIMO  
ILLVSTRIBVS EXCELLENTISSI  
MISQVE

VIRIS  
PATRONIS

SVMME PIEQVE DEVENERANDIS  
LVCVRATIONVM PRIMITIAS  
IN PIGNVS SVBMISSIONIS AC OBSERVANTIAE  
OFFERT ET CONSECRAT

IOANNES GVILIELMVS STRVVIVS



*Q. D. B.*

*§. I.*



Naturalis ratio, licet sit omnium communis, non tamen est eadem in obligandis hominibus, sed vinculum modo laxius infert, modo arctius, quo adstringimur ad aliquid faciendum. Dantur, si obligationem pro officio sumferis, amoris & honestatis officia, quae ex solo amore, unde & nomen acceperunt, orta respiciunt aliorum commoditatem, ita tamen, ut ob infinita, quae ex uiolenta illorum extorsione in homines redundant, iurgia & altercationes, destituta omni coactione externa, pudori cuiuscunque et studio virtutis spontaneo relinquuntur. Dantur alia, quae et sunt et dicuntur necessaria officia, quae seruant alteri intacta ea, quibus iamiam

A

est

est instructus, et ne quis, detractis iis, aut pereat aut minui-  
fere uiuat, facultatem concedunt declinantes ab officio  
etiam inuitos in uiam reducendi

## §. II.

Ius Ciuile, idemque Romanum, non seruit per  
omnia iuri naturali, sed eidem addendo aliquid et de-  
trahendo demum est constitutum *L. 6. ff. de iust. et iur.*  
Fecerunt autem Romani, quod licet omni societati,  
dum obligationem, quam ratio dicitur, non omni quidem  
uinculo suo, sed illa tamen necessitate denudarunt, quae,  
addita in *pr. Inst. de Obligat.* denotat, ius experiundi in iudi-  
cio, inuitumque ad solutionem compellendi. De nihilo  
non erit, nonnullas, quibus aut additum aliquid, aut de-  
tractum, referre obligationes, ut certum quiddam et  
breue exempli causa ponamus, Sic pacta, quae honesta  
sunt, et in se continent possibilia, producant omnino ob-  
ligationem, iure naturali adeo constantem, ut nihil ma-  
gis congruum fidei humanae putet Vlpianus, quam ea  
seruare, quae inter eos placuerunt *L. 1. pr. de Pact.* At  
enim uero iure Romano, aut ob studium uirtutis, quod  
Legislator, ut *Pinnius ait*, relinquendo aliquid homi-  
num spontaneae fidei excitare tentabat, aut ob commo-  
da uitae et ministeria, ad quae, quod existimat *Ger-  
bardus Noodt*, non omnia pacta utilia esse censebant Ro-  
mani, aut denique ob animi leuitatem et praecipitantiam,  
quam Leges, uti rem explicat *Dn. de Ludevig*, in pactis  
cauere uoluerunt, quae neque in se habent causam, nec  
transcunt in proprium contractus nomen, pacta nuda  
non pariunt obligationem sed pariunt exceptionem *L. 7.*

§. 1. 4.

§. 1. 4. ff. de Pactis. Ex iis contra, quae ex amore et honestate proficiuntur officiis, ius civile quaedam addito vinculo suo, in ciuitatem quasi recepit, quaedam uero collaudauit quidem, ita tamen, ut suum non superaddat, quod infert necessitatem, uinculum. Audiamus de his non sine uoluptate Vlpianum, regulam Pauli in L. 144. de R. I. late pariter ac egregie sic quasi exponentem: *Licet uenditori uel effundere uinum, si diem ad metiendum praestituit, nec intra diem admensum est, effundere autem non statim poterit, priusquam testando denuntiat emptori, aut ut tollat uinum, aut sciat futurum ut uinum effunderetur, si tamen cum posset effundere, non effundit, laudandus potius est L. 1. §. 3. de Pericul. et Commod. Rei Vendit. Et omissis aliis, quae aucta uinculo ciuili in legibus passim occurrunt honestatis officiis, liceat iam unice inhaerere iis, quorum causa haec omnia diximus, Vlpiani uestigiis in L. 4. §. 2. de in lit. iurando, licet, iniquitatis, iurare in infinitum, sed an iudex modum iuriiurando statuere possit, ne arrepta occasione iuretur in immensum quaero? Et quidem in arbitrio esse iudicis deferre nec ne constat. An igitur qui possit iusiurandum non deferre, idem possit et taxationem iuriiurando adiacere, quaeritur? Arbitrio tamen bonae fidei iudicis etiam hoc congruit.*

### §. III.

Vt iam omne, de quo nunc dicendum est uberius, extremis tantum, ut dicunt, digitis attingamus, occupatus est lictus in iure definiendo, quod competit illi, cui res est restituenda quidem, sed dolo malo non restituitur. Tunc enim licet Domino rem aestimare ex suo,

quem iurat, animi affectu in infinitum quidem, sed interueniente tamen, ne iuretur in immensum, iudicis arbitrio. In quem et aestimandi et iurandi modum, quaedam, quae nunc disputo, magis differere lubet, quam iudicare.

#### §. IV.

Aestimare rem idem est ac pretium imponere. Aestimatio uero denotat tum actum, quo pretium rei imponimus, tum ipsum, quod indi solet, pretium *L. 34. C. de Locat. Conduct.* ibi: non solum rem sed etiam aestimationem uictrici parti, ad similitudinem inuaforis alienae possessionis, praebere compelluntur. Est autem pretium, *Quantum illud morale, quo res ad relationem adcoque ad dimensionem aptae redduntur.* Cuius tamquam generis in suas species diuisiones et specierum naturae paulo accuratius erunt indagandae.

#### §. V.

Abit autem pretium potissimum in duas species, quarum altera est omnium, quae ex se determinat, pretiorum uicarium, et dicitur *Eminens*, cuius ulteriorem disquisitionem ab institutis, quae teneo, alienam esse cenfeo, altera autem est, quod rebus externis et operis commutandis imponi solet, et dicitur *Vulgare*, in quo nunc uersamur, *pretium*. Vtilitas scilicet rerum, quarum unam summus Creator ad alteram, omnes autem ad augendam uitae iucunditatem accomodauit, deficiente ea in nos indole, quam primaeva



maeva respiciebat rerum Communio, anſam dedit acquisitioni dominiorum tum originariae tum deriuatiuae. Translationem uero noſtri dominii, ex quo omnes acqui- rendi dominii modos deriuatiuos concipimus, rationis dictamen probat quidem, ſed, ne nimis donando ipſi bene beateque uiuere ceſſemus, non ſemper commendat gratuitam. Hinc ut in translatione dominii oneroſa, cuius ſpecies uidetur antiquiſſima rerum permutatio, quiſque facta rerum contentione maiorem uel minorem earundem ſciret utilitatem, alienantes uix poterant carere pretio ſeu quanto illo uulgari, quod pro unitate aſſumptum, res quarum relationem ad ſe determinat, dimensionis effecit capaces.

## §. VI.

Rem igitur omnem, quando agitur de pretii uul- garis origine pariter ac fundamento, uti modo dixi, con- ſtituit dominiorum acquiſitio, quorum cauſſa reſeſſe coe- perunt illius pretii. Iſdem igitur, quibus homines in- ducti aut repudiarunt aut meditati ſunt rerum dominia, uix inuenies pretii uulgaris cauſſas plures uel pauciores. Sunt autem duae, quae dominiis anſam dederunt, ideo- que et pretii uulgaris cauſſae, quas eleganter, uti omne hoc argumentum, exponit Cel. Köhlerus, *remoueat, inquit, mente utilitatem ex rebus ſingularibus et ſe- paratim percipiendam, et remouebis cupiditatem conſe- clandi earum dominium, nec ita minus tolles earundem pretium. Ponas e contrario res quāſcunque utiliſſimas in tanta copia, quae longe maior eſt numero hominum earum appetentium, et ponas alias, quarum numerus eſt*

*minor multitudine eas appetentium, et posteriores non prioris generis res dominio nostro dignae existimantur §. 1594. sq. Ex. Iur. Nar.* Cessante igitur rerum raritate earundemque utilitate coniunctim pariter ac reuiuiscante, et cessat et reuiuiscit, alterutra autem uariante, illud ipsum uariatur uulgare pretium. Quae de retantum abest, ut uel auctoritate Doctissimi Thomae (uid. illius diss. de Pretio affectionis in res fungibiles non cadente Cap. I. §. 10.) uel antiquitate proverbi communis: Omne rarum carum, commoti, fundamentum omnis eiusdemque uariantis pretii in sola ponamus raritate, ut potius res licet pari modo raras Romae et in Hispania, utiliores tamen Romae et pretiosiores ibidem, teste experientia, dicamus.

## §. VII.

Ille autem, qui permutat rem suam ualide, etiam quod propter permutationem rebus est assignatum, imponit pretium. Quae impositio, dum fit a nemine, domino, qui unica permutare potest, excepto, est omnino effectus dominii, quem etiam ex iure cuiuscunque, quod inest dominio, re sua utendi facile possumus perspicere. Interim caue existimes, quae permutationem sequitur, pretii impositionem omni carere lege, ita, ut eadem domini arbitrio, quanto, quanto, sit penitus relicta. Nam certum est de iure saltem naturali, imponentem pretium, licet sic utendo re sua neque ulli faciat iniuriam, nec ideo quod in eodem statu naturali est laesio, cogi possit ad pretium hoc uel illud determinandum, legibus tamen aliis, quae extorsionis impatientes ruborem saltem excitant,

ciant, obligari ad assignandum rei pretium, quod conuenit uerecundiae, qua neglecta non uiolamus quidem sed, ut Tullius ait, offendimus alios, seu repugnamus, quod idem esse uidetur, quem aliis debemus, amoris.

### §. VIII.

Raritas rerum et utilitas concaussae, ut ita dicam, pretii, quarum illa paucitate rerum, haec a relata perfectione ad statum nostrum originem trahit, neque rebus ipsis inhaerent, nec circa rem unam eandemque aequali semper occurrunt ratione. Hinc mutantur manente eadem rerum natura quotidie pretia, et posita re omnibus aequaliter rara, non statim teste experientia par omnium ex illa re ponitur utilitas, nec idem, quod tum deficit, uulgare pretium. Fac enim inita subductaque ratione summam omnium rei utilitatum, quarum licet plurimae in alios, nullae tamen in te, redundant, ecquid tibi erit pretii? Fac contra computationem earum, quae et tibi et aliis pariter sunt utilia, nec maioris ea habebis, quam alii. Immo fac denique ad statum tuum relationem rerum quae tibi magis, quam aliis modo maiorem modo maximam afferunt commoditatem, et aequale commodum, et peculiare tibi, habebis iterum rei pretium. Interim, quod dolemus, mens, quae comparat haec omnia, et in hoc argumento imbecillitatis suae dat documenta non exigua, amplectuntur enim plures pro luone nubem, et defraudati specie, nescio qua, boni, utilitatem quaerunt, quam ipsi opinantur ueram, alii autem re rectius cogitata, imaginariam et iudicare et damnare solent. Quae omnia si recte consideres, nouam habebis

bis pretii vulgaris diuisionem, in Commune scilicet et Affectionis, quorum illud est, *quod plures, eiusdem ordinis homines, rebus iisdem, propter utilitatem uulgarum, par et aequale imposuerunt*, hoc autem, *quod unus uel alter attribuit rebus, ob sibi peculiarem eandemque uel ueram uel imaginariam, quam genio suo indulgens inde sentit, utilitatem*. Quod quidem affectionis pretium, quatenus et ad uulgare refertur, ut ad genus suum, et extra permutationem damno esse potest, septis iisdem, quae paulo ante diximus, cinctum, aequitate demum extortionis nescia, definiri solet ac determinari.

### §. IX.

Quae usque huc de pretiis rerum diximus, non ignorant Leges Romanae, illustrantes mirum in modum, quae ratio dictitat, addendo tamen nonnunquam suum, et detrahendo aliquid, prout id salus postulabat publica. Sic Paulus eleganter disserit de pretio Eminentis in *L. 1. pr. de Emt. Contr.* et incidit in implicitam pretii vulgaris mentionem, dum homines, quod sane sine pretio non potuit fieri, utilia inutilibus permutasse, fatetur. Immo eiusdem pretii vulgaris, tum originem, tum proprietates, sigillatim sparsas et uage disiectas, nobis exhibent Romanorum Leges. Primo enim Paulus in *L. 63. ff. ad L. Falcid. pretia*, inquit, *funguntur non utilitate singulorum, sed communiter*. Sicuti uero res in *L. 6. ff. de R. C.* mutua uice fungi dicuntur, quando una substitui potest in locum alterius, ita et hoc loco pretium in tantum fungi uidetur utilitate, in quantum in locum unius rei commutandae substitutum alterius rei utilitatem

tem exprimit. Quo satis eleganter innuisse uidetur Ictus eandem, quam supra diximus, pretii uulgaris originem. Deinde idem, quod ante iecimus, iactum in Iure Romano uidemus pretii uulgaris fundamentum, quod est utilitas rerum earundemque raritas. Vtramque iterum Paulus satis indicat *in d. L. 63. ff.* et alteram quidem in pr. Legis docendo, pretia non re fungi, sed rei utilitate, alteram uero, ponendo ibidem §. 2. uarietatem pretii in loco et tempore, quo raritatem magis, et copiam, quae locum tempusque comitatur, quam ipsum locum et tempus, quorum ille a modo, quem dicunt coëxistendi, hoc autem, a successiuorum ordine est repetendum, dixisse censetur. Neque etiam obstat utilitati, pretii fundamento, quae utilia inutilibus permutari, ideoque, quo accedente fit permutatio, pretium non semper utilitate fungi, affirmare uidetur *L. 1. pr. de Contr. Empt.* quoniam hic inutile, interprete Gothofredo, illud dicitur, quod nobis superest, et licet ad usum nostrum strictiorem praecise non sit accommodatum, inseruit tamen acquirendae rei, quam alter, si spectes eundem usum, sibi inutilem putat, utilitati. Nec obstat, quod dicit Paulus *in cit. §. 2. L. 63. ff. ad L. Falcid.* concaussae alteri, quae est raritas, pretia scilicet non ex ea, quae raro accidat, caritate, constitui. Tantum enim abest, ut ille raritatem neget ex parte pretii uulgaris fontem esse, ut potius, occupatus in constituendo pretio praesenti, raritatem praesentem, non aliquando futuram attendendam esse existimet. Postremo, quod in emendo et uendendo naturaliter est concessum, quae plures sint, minoris, quae minoris sint, pluris, uendere, illud *in L. 22. §. 3. Locat. Cond.* totidem uerbis exponit Ictus. Gaudet igitur eodem iure dominus et utendi re

B

sua,

sua, et pro arbitrio pretium constituendi, facultate, ita tamen, ut utilius visum fuerit, modum aestimandi relictum conscientiae a lege naturali, angustioribus circumscribere cancellis, iisdemque, addita quādam necessitate in foro externo efficacibus. Vnde innotuit in ciuitate pretium Legale, quod refert *Dn. Thomastus in §. 13. laudatae differt.* potissimum ad res fungibiles *ob L. 1. §. 11. ff. de Off. Praef. urb.* ubi praefecto urbis cura relicta carnis omnis, ut iusto pretio praebetur. Immo in contractibus onerosis dimidium, quo minoris res constat, in aestimatione attingere licet, non autem excedere *L. 2. C. de Rescind. Vend.*

### §. X.

Leges autem Ciuiles, si rem aestimant, pretium quidem adoptarunt Commune, cum pretia non ex affectu nec utilitate singulorum, sed communiter funguntur. *L. 63. pr. ff. ad L. Falcid.* attamen non-ignorantes, quod ex dicta lege satis apparet, communi oppositum affectionis premium aliquid in re aestimanda affectui permiserunt, ut in aliis causis *uid. L. 35. ff. de Minor.* ita imprimis, quando alter dolo non restituit rem, quam debet restituere. Neque etiam solum affectionem animi ab effectibus naturalibus exortam, atque in re ipsa fundatam, sed eam etiam, quam ex varietatibus, quae foris sunt, nec rei naturae inhaerent, percipimus, Leges Ciuiles approbant. Extrinsecus enim quae accedunt domibus pupillorum. cum in iis defecerit pater, minor creuerit, ac in iis maiorum imagines fixae aut reuulsae sint, domus aestimant in *L. 22. C. de Administr. tut.* Ne-

gan-

gantes igitur posterius illud, quos recenter *Dn. Thomas* in § 36 *dier. diff.* uel hac lege refelluntur, ita tamen, ut inficiando hoc nemo unquam abnuat modum ac finem affectioni inani ac tenui praefiniendum, Quam quidem modum, dictum a *Dn. Thomas* tum de iure legitimum, quando instar metus iusti in *L. 6. ff. quod metus causa.* in uirum constantem cadat, aequae ac illam metus disquisitionem iudici relinquimus, qui cognoscit causas, quibus moti homines capaces consilii peculiare rebus suis imponunt pretium, ducta quidem similitudine, auctore *Thomas*, ex metus causa, non uero ex dicta lege sed ex *L. 3. ff. Ex quibus caus. maior* in quam disputat *ILLVSTR. PRAESES* in *Sp. 517. Med. 1. §. 4. ad. ff.*

## §. XI.

Verba restituendi et reddendi, quae ob *L. 39. §. 2. ff. de Statu Liber.* inter se non differunt, quamquam significatum habeant retrodandi, accipiunt tamen per se dandi significationem *L. 94. de V. S.* Restituit igitur aliquis non solum reddendo, quae domini sunt nostri, sed dando quoque quod nobis in actionibus petitionibus et persecutionibus est, illud enim omne in bonis nostris esse uidetur *L. 49. de V. S.* Quicumque uero haec omnia, quae reddere debet, non restituit, iniuste retinendo dum uiolat id, quod nostrum est, laedit nos et damnum infert, ad quod reparandum omnes obligantur, ita, ut aut reddere oblata, aut praestare debeant aliud, quod rei oblatae equiparatur. Et suauiter conspirans et continuata in hoc argumento aequitatis

et Legum Romanarum inter se est affinitas et cognatio. Non solum enim Imperatores in *L. 8. C. de Iudaeis et Coelicolis* ad sua cuique committenda obligant, sed et inter se distinguunt damni reparandi modos, si audiamus *Ulpianum* sic differentem in *L. 68. ff. de Rei Vind.* *Qui restituere iussus iudici non paret, contendens, non posse restituere, si quidem habet rem, manu militari officio iudicis ab eo transfertur possessio et fructuum duntaxat, quae sunt pars rei omnisque causae nomine fit condemnatio.* Re igitur, licet ab inuito restituta, deficit omnis laesio, et in laeso damnum, quo cessante cessat et ad damnum reparandum obligatio, et digna legum animaduersione iniuria. Neque uero, quando impediti facto detentionis iniusto non possumus rem restituere, eadem, quam modo diximus, est damni, et dati, et refarciendi, ratio. Nam licet res, quae non restituitur, cui non abest pretium per *L. 17. de P. S.* non abesse, nec igitur pretio soluto, ulla damni iniuria, superesse videatur, noua tamen, eademque ex iure pactorum repetenda, est laesio, si cogis alterum iniuste, aut ad uendendum, aut ad recipiendum id, quod aliud est pacto constitutum. Ingrauescente autem laesione, et duplicata nunc, quae ante erat unica, iustum est omnino, quod dicunt Imperatores in *d. L.*, non solum sua cuique committere, sed et aliena appetentes coercere supplicio. Satis igitur et consulere domino, cuius uoluntas, aut ad uendendum, aut ad recipiendum aliud pro alio, detorquetur, et cupiditatem alieni refrenare uidentur Leges, quae restant *Ulpiano* in *d. de L. 68.* sic porro fanciunt: *si quis non potest restituere, si quidem dolo fecit, quo minus possit, is quantum aduersarius in litem sine ulla taxatione in inferi-*

tune



tum iurauerit, damnandus est, si uero nec potest restituere, nec dolo fecit, quo minus possit, non pluris, quam quanti res est, i. e. quanti aduersarii interfuit, condemnandus est. Eandemque quam uolunt Imperatores poenam clarius indicat Paulus in L. 2. de in lit. iur. interdum, inquit, quod interfuit, agentis, solum aestimatur, ueluti cum culpa restituentis uel non exhibentis punitur. Cum uero dolus aut contumacia non restituentis uel non exhibentis, quanti in litem iurauerit actor. Et recte quidem. Nam dolus et culpa, quarum ille a machinatione fallendi L. 1. §. 2. de Dol. Mal. quae est omissio deliberata diligentiae debitaе, haec autem a desidia ac negligentia L. 72. ff. pro Socio seu indeliberata eiusdem diligentiae omissione tamquam fontibus profluunt, in laedendis aliis, si animum, et, quae hunc sequitur, poenam, respicias, differunt inter se quam maxime, licet parum interfuit domini, utrum dolo an culpa res sua sit ablata. Quamuis igitur obligatio, ad suum cuique committendum, sit eadem in casu utroque, poena tamen, qua Imperatores in dicta L. 8. de Iudaeis et Coelicolis cupiditatem rei alienae et detractionem uindicare uolunt, altera est recte altera durior superimpotita. Soluitur hinc re deperdita, quam quis culpa leui non restituit, quantum abest alteri, et accedit id, quod alter lucrari potuit in poenam culpaе ex qua damnum, quod sentit non restituens, non sentire intelligitur L. 203. de R. I. Aestimatio autem eius, quod interest ob culpam fit absque iuramento a solo iudice. L. 3. ff. L. 2. C. de in lit. iur. uid. Huberus ad tit. ff. de in lit. iur. neque affectionem respicit nobis peculiarem, sed quanti res omnibus ualet L. 33. ff. ad L. Aquil. quod est premium, nec excedere debet duplum rei in casu certo,

quam poenam culpae satis congruam esse putat *Iustinianus* in *L. un. C. de Senten. quae pro eo quod interest profer:* Tu uero an satis esse putas eandem quam culpae, dolo irrogari poenam? Minime uero. Nam qui dolo rem non restituit, est raptor *L. 70. ff. de R. V.* ideoque dignus grauiori poena, quam quae in negligentiam est constituta. Neque igitur sufficit, dolo et quae huic aequiparatur lata culpa *L. 2. C. de in lit. Iur. re interuersa,* pretium soluere, ad quod detracta etiam omni poena nihilominus obligamur, nec aestimatio eius quod interest, duplo, et communi pretio, attemperata, qua culpam dimetiri solemus, saterit poenae, sed cum contumacia punienda sit, inquit *Marcellus* in *L. 8. ff. de in lit. Iur. arbitrio potius domini pretium est statuendum, potestate perituri in litem iurandi concessa*, ita, ut iurari possit in infinitum, et an in immensum iuretur, quaerat *Ictus* in *L. 4. §. 2. ff. de in lit. Iur.*

## §. XII.

Quid infinitum sit hoc loco et quid immensum, in lege citata ornatè magis, quam distincte satis dictum esse uidetur. Erit igitur, tum ex omni huius legis constructione, tum ex aliis Legibus, huius diuisionis uis ac interpretatio repetenda. Qui auctore *Ulpiano* in *L. 68. ff. de R. V.* aestimationem in infinitum eam dicunt, cui non accessit taxatio quaedam, et *Trebonianum* Legem hanc ex *Lib. 37. ad Edictum* exscribentem, quae de taxatione et aestimatione in immensum in lege nostra constituta sunt, de suo addidisse credunt, ad tempora *Ulpiani* mittimus, in eo magis solliciti, ut diuisionem, licet

licet a Triboniano inuentam, a Iustiniano tamen approbatam, odorando quodammodo peruestigemus. Agitur autem in principio Legis de aestimatione ad utilitatem domini non uero aliorum referenda, nam hoc est emolumentum illud, quod tutores, qui non sunt domini, saepius ignorant, et scire demum possunt, utilitate ex statu domini, quem beat, considerata. Sermo igitur est de pretio affectionis, cuius natura respicit peculiarem cuiuscunque utilitatem ueram pariter ac imaginariam, quae, demto statu Ciuili sola aequitate naturali, iisdemque, quos aliis debemus, amoris officiis est circumsepta. Ecquid uero aliud agit Ictus in § 2. legis nostrae, quam quod, posito ante in poenam doli affectionis pretio, nunc ipsi affectioni ponat eosdem, quae naturalis ratio, limites, ita tamen, ut addita iuris Civilis necessitate iis, quae natura tantum erant honesta, aestimare liceat rem in infinitum, seu ultra Commune aliorum consensu definitum pretium in tantum, in quantum aequum esse uidetur, modo non in immensum, quod auctore Iustiniano in *L. un. C. de Sentent. pro eo quod interest prof. ex nimis affectionis machinationibus, et immodicis peruersionibus in circuitus inextricabiles retractum, facit, ut alter, quod sane iniquum est, cadat pro sua impossibilitate*. Atque hoc est immensum illud in pretio affectionis quod in computatione eius quod interest, a Legibus satis superque coarctata, cum infinito unum idemquem dicitur in *d. L. un.* Infinitum uero immenso oppositum sumitur civiliter, uti *Cellus ait in L. 9. ff. de Seruitut.* et excludit in Legibus, neque omnes, sed archiores tantum limites, uti in *L. 7 ff. de Edict. dil.*, ubi *Viuianus*, seruum fanaticum, licet caput non semper iacet,

Idet, nihilominus sanum esse, dicit, addita hac ratione: ne *in infinito* multos sanos esse negemus, nec aequitatem, quod satis apparet *ex cit. L. 9. ff. de Seruitut.*, qua uiam habens *in infinito* ire agere potest, quod tamen auctore *Celfo*, illud in se habet aequitatis, ut non per medias uias ire agere liceat, cum illud per alteram partem fieri queat aequè commode.

### §. XIII.

Noua igitur, eademque, quam ius Ciuile introduxit, est pretii affectionis diuisione, *in infinitum* et *in immensum*, quae quidem, aestimandi modum constituendo, non statim quantitatem ipsam definit pretii, quae esse ILLVSTR. PRAESIDE in Sp. 146. Med. 2.3. ad ff. lege de-terminari ac defini non potest. Est enim non omnium ex eadem re utilitas, nec igitur similes erunt, quae hanc sequuntur, et affectio, et affectionis pretium, et pretii denique, quae a lege poni posset quantitas. Rectius igitur relinquunt Leges nostrae, et affectionis, et quantitatis, determinationem, ex ea, qua saepius haec omnia non possunt aliter probari, iuris necessitate per *L. 11. ff. de in Lit. uir* religioni domini, rei suae optimi moderatoris et arbitri, qui iurat in infinitum, adiiciuntque, ut quantitas respondeat modo in legibus praescripto, iudicis arbitrium, qui prudentia sua de omni affectione cognoscit ( *per §. 10.* ) summamque ex aequo moderatur *L. 4. §. 2. ff. de in Lit. iur.* et, quod expresse dicitur in *L. 18. pr. ff. de Dol. Mal.*, *taxatione refrenare uidetur iuramentum.* Ex quibus omnibus nuac satis apparet, quid sibi uelit iurare in infinitum, et in immensum, quorum illud deno-

denotat iuramentum, quo quis, re dolo aut lata culpa ita interuersa, ut manumilitari non possit auferri, rem aestimat ex sua affectione, aequitati naturali conformi, accedente, quod hanc aestimationem approbat iudicis arbitrio; hoc autem significatur iuramentum, quo quis itidem, re dolo aut lata culpa interuersa, ut manu militari non possit auferri, rem aestimat ex sua affectione, inuita aequitate naturali, accedente, quod hanc aestimationem moderatur, iudicis arbitrio.

#### §. XIV.

Inest igitur iuramento in infinitum, et aestimatio rei, et iuramenti religio, quae duo cogitatione magis quam re separari queunt, quando uideamus, *Ulpiano* duce in *L. 4. pr. ff. de in lit. iur.*, quis possit iurare in infinitum. Iuramenta, quae oriuntur ex pactione litigatorum, iurant omnes, modo quid agant, intelligant, cuiuscunque aetatis et sexus sint, iusiurandum enim, aduersus eum, qui consentus eo, cum deferret, custodiri debet omni modo *L. 26. de Iureiurand.* Sicuti uero ex pactione uerborum, quibus iusiurandum comprehenditur, ii demum obligantur, qui sunt puberes. *Aurb. Sacramenta puberum C. si aduers. uend.* ita et ob eam, quae in hac caussa continetur, aestimationem, tantum adolescentes, si uelint, iurare queunt, non autem impuberes, per *d. L. 4. pr.*, huiusmodi enim aetatis pueri, non satis capaces sunt consilii, neque sciunt aestimationem nec decernere queunt, *L. 8. §. 2. L. 9. ff. de acqui. uel omitt. heredit.* Nec adeo possunt impuberes, quod eleganter obseruat *Ant. Faber in Rational. ad b. l.*, accedente

C

tuto-

tutoris auctoritate aestimata rem iuramento confirmare, quia ea tantum, quorum iacturam, si damno est, tutelae iudicio consequuntur, *L. 17. ff. de Auct. et Conf. tutor.*, auctore tutore perpetrare queunt, non uero, quae Deum ukorem habent, et metuenda sunt, periuria *L. 2. C. de R. C.* Posita nunc idonea ad iurandum aetate, ea etiam, ut ualidum sit iuramentum, accedere debet rem aestimandi facultas, quae competit tantum litis domino, et illi, qui suo nomine litem est contestatus. *L. 7. ff. de in lit. iur.* Denotat autem lis hoc loco rem omnem in iudicium deductam, unde est ipsum in litem iusiurandum, et litis aestimatio in *L. 46. de R. V.*, ideoque dominus est litis, ad quem omnis cuiuscunque, de quo lis est, negotii, pertinet utilitas, cuius dominium dicitur principale, et opponitur illi, quod est, et procuratoris, et accessorium, de quo agunt *DD. ad tit. ff. de Procurator. et Defens.* Huius uero principalis domini est, rei suae imponere pretium, quod et supra diximus (*in § 7.*) et adhuc dicitur in *L. 8. ff. de in lit. iurand.* Nec igitur iurant et procurator et cessionarius, qui, lite alieno nomine contestata, habent, et fictum, et accessorium, litis dominium, ex quo procurator interueniente speciali mandato, ut minister quasi domini principalis et nuncius, cessionarius uero, instar specialis procuratoris, in animam cedentis, iurant *uid. Dn. de Berger. Resol. ad Lauterh. Lib. 18. tit. 4. qu. 12. et Oc. Iur. Lib. 4. tit. 25. §. 1. not. 2.* Soli autem Tutores, Curatores pupillorum uel adolescentulorum, et mater tutrix, qui auctore *Dn. de Cacceti in Iure Controuerso ad b. l.* sunt instar domini rei, quin ueri domini negotii, eiusque auctores, dum integrant personam pupilli, ideoque iurant quasi de suae rei affectione,

atione, cum interfit pupilli, ut iudicio finis possit adhiberi, non coguntur quidem, quod graue esset, ignorantes et inuiti sub alieni compendii emolumento ad subeundum anceps periurii periculum, admittuntur tamen ad iurandum, aestimatione facta ad pupilli utilitatem, si tantam affectionem pupillo suo uel adolescenti praestare uolunt. per *d. L. 4. pr. ff. de in lit. iurando*. Nec magis, quam tutores, ipse litis dominus ad praestandum hoc iuramentum inuitus cogitur. Est enim illud, quod Leges in poenam contumaciae introducere iuramentum, simul beneficium domini, quod non obtruditur inuito *L. 1. de in lit. iurand.* uid. *ILLVSTR. PRAESIDIS Sp. 146. Md. 4. ad ff.* Ex quo consequitur, peti posse, omisso iureiurando in litem, ut aduersarius ad iurandum per mandata poenalia compellatur. *ibid. Berg. Oe. Iur. Lib. 4. tit. 25. §. 3. No. 10.*

### §. XV.

Deferre autem iusiurandum iudicem oportet, et, si alias detulerit, uel eo non delato, iuratum sit, nulla erit religio, nec ullum iusiurandum, et ita constitutum est in *L. 4. §. 1. de in lit. iur.* Est enim hoc iuramentum, quod comprehendit quantitatem, quae, aliunde, quam arbitrio Domini non poterat definiri, ex iuris necessitate, quam necessitatis rationem ut et pretii quantitatem, ut iudex cognoscat, omnino est aequum, relicta uero cognitio litigatorum uoluntati inuisa Legibus uidebatur, et maxime suspecta. Interim, causa hac cognita, licet iudici, et a primo non deferre hoc iuramentum *L. 5. §. 1. de in lit. iur.* Hinc iure et Legibus disceptando, disputat

tat *Bachovius* non inscite contra *Treutlerum*, qui, *iudicem ad deferendum cogi posse*, asserit in *Disp. 21. Vol. I. §. II. Lit. c.* eundemque deceptum credit uerbis: *deferre ius iurandum iudicem oportet in d. L. 4.* quibus tamen iuramentum hoc distinctum ab illo, quod deferitur a parte, a solo iudice dicitur deferri. Iudex autem cessante ea, ob quam iuramentum hoc est introductum, juris necessitate, cessat uero quando aliunde constat de affectione domini, rectius facit, inquit *ILLVST. PRAESES in Sp. 146. Med. §. ad ff. si illud omittit*, atque ipse, si modo ulla ratione potest, rem aestimat, ne temere decernat iusiurandum, quod non erat necessarium.

## §. XVI.

Iuramentum in infinitum comprehendit affectionis pretium, hinc et supponantur res, in quas cadit affectio, quas uocat *Ulpianus incertae aestimationis L. 3. ff. de in lit. iurand.* Certum est, definiente *Paulo in L. 6. de R. C.* cuius species uel quantitas, aut nomine suo, aut ea demonstratione, quae nominis uice fungitur, qualis quantaque sit, ostenditur. Hinc certa rei aestimatio est pretium illud, quod indicatur, aut ipso nomine rei, aut ad rem aliam, quae nominis iure fungitur, relatione. Neque igitur quantitas pro pecunia sumpta in *L. II. de Compensat.* nec speciebus opposita, qua significatur id, quod pondere numero et mensura continetur in *L. 39. de Legat. 1.* in se aliquod habent affectionis pretium. Nam pecunia, cuius publica ac perpetua aestimatio difficultatibus permutationum, aequalitate quantitatis, subuenit *L. 1. de Contrah. Emt.* est certum quidam suo nomine,



mine, et quantitates reliquae, quae dicuntur fungibiles, et cum communi contineantur specie *L. 29. de Solut.*, in genere suo functionem recipiunt, per solutionem, quam in specie *L. 2. §. 1. de R. C.*, certae fiunt alia, quae est relatio ad quantitates generis sui, demonstratione. Fingas igitur hominem ejusmodi rebus pretium singulare prae caeteris tribuentem, aut inane erit, nec iudicem oportet in litem iusiurandum deferre, cum sit certa rei aestimatio. *pr. d. L. 3.*, aut non afficit ipsam quantitatem, sed u. g. eam, qua res aliis sui generis uel rarior est uel antiquior, conditionem, quam prudentia cognoscit Iudex (*per. §. 10.*) Interim caue existimes et iis, quae sunt incertae aestimationis, rebus semper inesse affectionis pretium. Incertum enim stipulatur sibi, qui id stipulatur, quod est in faciendo, ueluti fossam fodiri, domum aedificari, *per. L. 75. §. 7. de V. O.* non utique ob id tantum, uti *Vinnius* ait, quod priusquam quid fiat, incertum est, an fiat, sed et, quia, si fit, incertum est, quale sit, et quanti pretii, et si promissor non faciat, inducitur obligatio, in id, quod interest, cuius quantitas iterum est incerta *L. 68. eod.* Sunt etiam incerti pretii seruitutes, nam seruitus impraesentiarum utilis utilior est ea, quae expedit aliquando, et iam imponi potest, *L. 19. ff. de Seruitut.*, ideoque illo, maioris, quam hoc tempore, pretii: Et nihil ominus superuacuum erit, quod nemo prudens in faciendo, patiundo, aut non faciendo, unquam posuit, affectionis pretium. Quibus ductus noua hac iuramentum diuisione ornauit et locupletauit *Dn. Thomafius distinguens illud in §. 7. Cp. 3. laudatae diff. de Pretio affectionis in res fungibiles non cadente, in regulare, et irregulare, quorum illud iuratur in rebus, in*

quas cadit affectio in infinitum, hoc uero in iis, ubi affectio deficit, quanti actoris interest *L. 19. ff. de in lit. iurand.* licet ratio ipsius, quod res incorporales non sint obiectum emtionis uenditionis ordinarium, nec factum admittat pretium, quod tamen est obiectum locationis conductionis, in qua merces locationis conductionis est pretium *L. 51. §. 1. Locat. Conduct.* non satis intelligatur. Demto igitur facto, demtisque rebus incorporalibus, in quibus si u. g. nitium parietis non emendatur nec cautio praestatur, iuratur sine affectione quanti nostra interest *L. 7. Si seruit. uindictetur. L. 10. ff. de in lit. iurand.* Immo demta denique quantitate, in quo si iuratur, id tantum attenditur, quod interest, *L. 3. de in lit. iur.*, restant denique species seu corpora singula eademque a quantitatibus distincta in *L. 6. ff. de R. C. L. 6. ff. de R. V.* quae in mobilia et immobilia diuiduntur, quorum utraque, si habeat reus, manu militari auferuntur, quod et mente agitasse uidetur *Murcellus in L. 48. ff. Locat. Conduct.*, si uero non possunt restitui, si quidem dolo factum est, ea omnia, quod alia in alios exiis redundat utilitas, incertae sunt aestimationis, admittuntque ob peculiarem, qua et prudentiores delectantur, utilitatem, et pretium, et affectionis in infinitum iuramentum.

### §. XVII.

Res aestimata accedente in litem iure iurando est ea tantum, quae nobis restitui debet *L. 68. ff. de R. V.* Hinc merito cessat illud in iudiciis contrariis, ubi de fide rei praellandae rupta non agitur, sed de indemnitate eius, qui u. g. depositum suscepit *L. 5. ff. pr. Depos.*

In-

Interim nihil agunt, qui testante *ILLVSTR. PRAESIDE*  
*in Sp. 146. Coroll. 2.* uerba restituendi reddendique quae  
 in *L. 1. 2. 3. ff. de in lit. iur.* et in *L. 68. ff. de R. V.* occur-  
 runt, caprant subtilius quam par est. Sunt enim, qui,  
 licet obstante *L. 94. de V. S.*, ubi reddere est, tum per  
 se dare, tum retrodare, ducti tamen hoc argumento,  
 quod detur iuramentum in litem, eo demum casu, quo  
 quis dominium rei suae in alterum transferre cogatur,  
 rem nostram, quae retrodatur, restitui tantum existi-  
 mant. At uero quid impedit, quo minus iniquitati de-  
 siderii, rem per uim quasi comparandi, de qua constat  
 in *L. 11. C. de Contr. Emt.* alteram, quae est in promptu,  
 adiiciamus, nec minorem nec laudabiliorem, qua aliud  
 pro alio soluitur inuito creditori *L. 2. §. 1. ff. de R. C.*  
 Est utraque, et uiolatio pactorum (*per §. 11.*) et contra-  
 iuris rationem *per de L. 11. C. de Contr. Emt. L. 16. C. de*  
*Solut.* ideoque eadem, ubi eadem est ratio, adesse de-  
 bet legis dispositio *L. 32. de L. Aquil.* Nec parit rationis  
 diuerfitatem arbitrium statuendi, quod iuramento in est,  
 pretium, soli domino relictum. Nec obstat illi *L. 155.*  
*de R. I.* qua odiosa stricte sunt interpretanda. Nam et  
 creditor imponit pretium idemque affectionis, ob utili-  
 tatem, quam ex re sibi debita sperat, singularem,  
 non uulgare quidem, quod tantum in permutandis re-  
 bus, qui unice permutare potest, assignat dominus, sed  
 illud tamen, quo quisque rem quamcunque etiam alie-  
 nam facit dimensionis capacem, quod ut iurer quis, nul-  
 la uidetur obstar ratio: Odiosum uero, quicquid sit,  
 in hac causa, oritur ex reorum facto, quod cuique, au-  
 diori magis, quam aduersario, nocere debet per eandem  
*L. 155. pr. de R. I.* Sententia igitur est generalis per *L. 68.*  
*ff. de*

*ff. de R. V.* ut re, siue sit tantum in bonis nostris, siue sit in dominio nostro, quae fuit restituenda, dolo malo et lata culpa non restituta, et nunc deperdita, iuramentum in litem, in interdictis, et actionibus in rem ac in personam, locum inueniat, ita, ut suppositis iis, quae dicta sunt in superiori §. iuretur modo in id, quod interest, modo in infinitum ex affectione nostra. Atque haec summatim de iis dicenda sunt, quae tractat copiose *Dn. Thomafius in Cap. 3. Laudatae dissertationis* de his, in quibus iuramentum illud obtineat, iudiciis, respondendo ibidem ad plurimas, quae obstat videntur, Romanorum Leges, quibus licet huc transcriptis nunc superfedere queamus, inductus tamen in actione hypothecaria, ac in iudiciis, et tutelae, et negotiorum gestorum, et emti denique, quod negat *Dn. de Cocceii* in lre Controuerso h. t., immo parum curans, utrum bonae fidei an stricti iuris sint iudicia, iuramentum hoc admittendum esse, uerecunde arbitror.

### §. XVIII.

Quod reliquum est, de nihilo non erit, dicere de periurio, more *Pauli*, in *L. ult. de in Lit. iurand.* tria tantum uerba, antequam supremos labori praesenti imponamus manus. Est autem periurium uiolatio iurisiurandi, qua quis iurat lingua, non autem animo, quod adesse semper uidetur in iuramentis reliquis, in quibus, post iusiurandum exactum, ex integro causa agitur secundum *L. 13. ff. de lre Iurando.* At enim uero longe alia est iuramenti in litem ratio, quo quidem interueniente, ex magna causa, et postea repertis probationibus,  
ex

ex quibus minor patet affectionis caussa, licet iudici aut prorsus absolvere reum, aut minoris condemnare *L. 4. §. 3. ff. de in lit. iur.* sed de periurio eius, qui ex necessitate iuris in litem iuravit, quaeri facile non solet. *ult. ff. de in Lit. iurand.* Quamvis enim ponas hominem, qui iurat in immensum, si de suo tamen in rem animo iuraverit, neque ille sensisse aliter et aliter dixisse nec adeo periurus dici poterit unquam.

## COROLLARIA.

### I.

Iuramentum in infinitum comprehendit etiam quantitatem eius quod interest, hinc iuraturus in infinitum non debet ante probare quantitatem eius quod interest. *uid. ILLVSTR. DM. PRAESID. Sp. 147. Med. I. ad ff.*

### II.

Iudex, dum moderatur iuramentum in immensum, adhibet testes, peritos aestimatores et ocularem inspectionem. *Ibid. Med. 3.*

### III.

Iuratur etiam id quod interest. *L. 10. de*  
D in

*in lit. iurand.* Licet illud, quod interest ob culpam, nunquam iuretur. *L. 2. C. de in lit. iurand.*

## IV.

Iuramentum in infinitum est poena, et beneficium. Punitur enim contumacia. *L. 2. §. 1. ff. de in lit. iur.* neque tamen praecise iurari debet, quod est beneficium *L. 1. C. de in lit. iurand.*

## V.

Quod Philosophis est finitum, infinitum nonnunquam dicitur Ictis *L. 4. §. 2. de in lit. iurand.*

## VI.

Iuramentum in infinitum non datur contra heredes ex dolo defuncti, nisi lite cum defuncto contestata. *L. 4. C. de in lit. iur.*



ORDINIS IVRIDICI  
IN  
ACADEMIA VITEMBERGENSI  
H. T.

DECANVS  
IO. GODOFREDVS  
KRAVS, D.

DIGESTI INFORTIATI ET NOVI  
PROFESSOR PVBLICVS, CVRIAE  
PROVINCIALIS, ET SCABINATVS  
VITEMBERGENSIS, NEC NON IVDICII  
PROVINCIALIS INFERIORIS  
LVSATIAE ASSESSOR.

LECTORI BENEVOLO







**N**ullum iuramentorum usum fuisse, si in  
 statu innocentiae ac integritatis homi-  
 nes permansissent, ex eo satis patet,  
 quod homines ad imaginem DEI con-  
 diti, et in statu integritatis positi, ob  
 concreatam iustitiam ac veritatem sim-  
 pliciter ex se et sua natura mutuam  
 sibi fidem praestitissent. At corrupta,  
 per deplorandum Protoplastorum lapsum, hominis natura,  
 consecutisque in locum pristinae veritatis ac iustitiae perfid-  
 dia atque mendacii, opus deinde fuit remedio, quo naturae  
 huic corruptae aliquo modo succurreretur, et omnis de ve-  
 ritate distortorum promissorumque dubitatio tolleretur. Coe-  
 pit inde iuramentorum usus, qui enim iurato aliquid affir-  
 mat, fidei suae testem adhibet Deum καρδιγνωσιν, gravem  
 periurii vindicem, ideoque per hanc iurata confirmationem  
 praesumptio veritatis et fidei excitatur, cum tam impius  
 iudicandus est nemo, ut DEI, quem iurans voluntatis suae  
 testem invocat, quem fraudis ultorem facit, indignationem  
 in se corruat. Annotatio haec in C. Ebraico. Quam

timam fidem inter homines, quam nulla aetas dealeat, quia  
 per iurata pacta sponsores adhibet Deos. Pertinet huc  
 CVRTIVS *Lib. VII. Cap. 8.* qui de Scythis, gente barbarica,  
 sequentem in modum scribit : *iurando gratiam Scythas  
 sancire ne credideris : colendo fidem iurant. Graecorum ista  
 cautio est, qui aëta consignant, & Deos invocant, nos religio-  
 nem in ipsa fide novimus. Qui non reverentur homines, fallunt  
 Deos.* Vtrum vero iis, qui Christi nomen profitentur, iu-  
 rare liceat, exinde nonnulli dubitare solent, quod primum  
 ipse CHRISTVS *Matth. V. v. 34.* asserat : *ego vero dico  
 vobis, (utimur autem hic translatione SANTIS PAGNI-  
 NI) ne iuretis omnino, neque per coelum, quia thronus DEI  
 est ; neque per terram, quia scabellum est pedum eius ; ne-  
 que per Hierosolyma, quia urbs est magni Regis ; neque per  
 Caput tuum iurabis, quia non potes unum capillum album aut  
 nigrum facere. Esto autem sermo vester : Etiam Etiam,  
 non non ; quod autem supra haec redundat, a malo est.* De-  
 inde, quod qui Christi nomen non tantum nomine, sed &  
 re ipsa ac vita sua testantur, ita vivere debeant, ut veritatem  
 moribus & sermone omni colant, atque a mendaciis fallen-  
 dique studio adeo sint alieni, ut vel unico verbo idem, quod  
 decem alias iuramentis, fidei praestent. Quibus quidem ex  
 causis descendere videtur, quod monente BOEHMERO *in  
 Iure Ecclesiast. Proest. Lib. II. Tit. XXIV. §. 15.* scriptores  
 primitivae ecclesiae passim professi sint : *Christianis iura-  
 re nefas esse.* At enim vero & ipsos inter Christianos iura-  
 mentorum usum certo modo & nullo iure reluctantem tole-  
 rari, eosque adhuc hodie, urgente id amore in alterum &  
 necessitate & interveniente imperantis auctoritate, aut iussu  
 iudicis, salva ac illaesa conscientia asserta sua iureiurando  
 confirmare posse, exinde concludere licet, quod ipse DEVS  
 in sacris literis *DEUT. XXIII. v. 23. LEVIT. XIX. v. 12.  
 EXOD. XX. v. 12.* & passim iuramentorum usum probavit,  
 atque sub horum vinculo asserta vel promissa servanda gra-  
 viter praecepit, CHRISTVS vero hunc in mundum non  
 venit,

venit, ut novas ferret leges prioresque abrogaret, quod  
 nec citato loco *Matth. V. v. 34.* facit, sed saltem dicto loco  
 falsam Phrisaeorum doctrinam, qui ex lege Moſis college-  
 rant regulam, *ſemper & ubique licite & laudabiliter iurari  
 poſſe*, reprehendit, & rem in priſtinum ſtatum reduciendo,  
 aliam regulam, Phriſaeorum effectae contrariam, format,  
 neutiquam vero legem Moſis, quae in caſibus modo addu-  
 ctis exceptionem ſub ſe continet, abrogat atque tollit. Qui  
 enim regulam ponit, exceptiones reieciſſe non videtur,  
 ſed eas tacite ſubintelligit. Et ſic minime negat CHRIS-  
 TUS, cum in praefenti ſtatu corrupto ſimplici aſſertioni  
 hominum tuto credendum haud ſit, iuriſiurandi exactio-  
 nem & praefationem tunc etiam fugiendam, & tanquam  
 actum illicitum damnandam eſſe, quoties amor proximi, ut  
 in teſtimonio ferendo, iuratam confirmationem eſſagit,  
 aut auctoritate Principis vel iuſſu Magiſtratus ea imponitur,  
 iis praeprimis in caſibus, ubi iuratam aſſertionem aut con-  
 firmationem, vel neceſſitas quaedam ſingularis, vel alia ra-  
 tio probabilis ſvadet pariter atque exigat. Hunc in mo-  
 dum patres paſſim Dogma CHRISTI interpretati ſunt, in-  
 ter quos AUGUSTINUS a GRATIANO C. 2. & 5. *Cauſ. 22.*  
*Q. 1.* adductus, referendus eſt: quo & pertinet LUTHERI  
 noſtri annotatio ad dict. v. 34. *Matth. V.* ſub voce *Schwehren*  
 ubi dicit: *Alles Schwehren und Eiden, iſt hie verbothen,*  
*das der Menſch von ihm ſelber thut. Wenns aber die*  
*Liebe, Beboth, Noth, Noth des Naehſten oder Gottes Eh-*  
*re fordert, iſt es wohl gethan, gleichwie auch der Zorn ver-*  
*bothen iſt, und doch loblich, wenn er aus Liebe, und zu*  
*Gottes Ehre erfordert wird.* Sicuti etiam dubium, quod  
 ex particula *εἰ* in ſaepius adducto loco MATTHAEI ob-

*Cap. XXVI. X. de iureiur.* Temerarius enim iuramentorum abusus, cum DEVS in testem veritatis & periurii vindicem invocatur, profanationem Nominis divini, contra gravissimam secundi praecepti in Decalogo prohibitionem, sub se continet, & per eiusmodi temerarium iusiurandum crimen laesae Maiestatis divinae aequae, ac per ipsum periurium, committitur. Optime hinc monet COVARVVIAS *ad Cap. quamvis de pactis in 6to* non esse absque summa necessitate, nec nisi super rebus maximi momenti, ac tanta religione dignis iurandum, ut taceamus. crebriori rei usu, ea magis magisque vilescat. Peccant tamen & ii, qui a praestandis iuramentis prorsus abhorrent, & metu divini Numinis ad superstitionem usque sunt timidi. Cum enim, ob hominum malitiam, simplici eorum assertioni fides iis aliter haberi nequeat, nisi ea iureiurando confirmetur & obsignetur, eiusmodi reluctantantes non solum amorem, proximo debitum, sed & statum publicum laedunt, propterea, quod veritatem occultorum supprimunt, & ne suum cuique tribuatur, efficiunt. Confirmat haec VLPIANVS *in L. 8. pr. ff. de condit. instir.* asserens, neminem in praestandis iuramentis aut nimis facilem contemptu religionis, aut metu divini Numinis ad superstitionem usque timidum esse debere. Sed plura his adiacere desisto, cum potius more institutoque Maiorum Lectori benevolo Candidatus noster ornatissimus ac in Iuris arte versatissimus doctissimusque DN. IOANNES GVILIELMVS STRVVIVS *Francobusianus* commendandus sit. Petiit non ita pridem ab Ordine nostro, quo sibi honores atque insignia Doctoralia cum privilegiis iis cohaerentibus rite conferrentur, atque ad utrumque Examen quod subeundum est iis, qui hos honores expectant, admissus, promittitudine respondendi talem se praestiruit, ut communi consensu concluderetur, petitis eius honestis deferendum esse. Vitae suae gesta ipse sequenti modo delineavit.

*Ego,*

*Ego, IOANNES GVILIELMVS STRVVIVS, ortu Francobusianus, prognatus IOANNE CHRISTIANO STRV-  
 VIO, apud eosdem Francobusianos senatore, natus die ii. Novemb.  
 A. 17. ex IVSTINA SOPHIA, CASPARIS LINDE-  
 MANNI, Senatoris, filia, usus sum parentibus maioribusque bo-  
 nestis. Atque ex eo statim, quo ex pueris excessi, tempore, inter  
 caetera dulcis parentum amoris vestigia, illud, quo me puerum  
 iisdem, quibus puerilis aetas impertiri solet, litteris, imbui cura-  
 runt, recordor, inprimis ac reminiscor. Tradidit enim & com-  
 mendavit me ne infantia quidem maiorem parens, per decenni-  
 um fere, in disciplinam privatam Domini LAEGERI, fungentis  
 iam Francobusae publico Con-Rectoris Munere ac officio, cuius  
 dexteritas operaeque, quam mihi inde a prima aetate dedit, ass-  
 duitas, ponenda est mihi omnino in laudem eximia. Sub idem vero  
 tempus, quo ille praeceptor meus praefectus Conrectoris officio, se  
 ad munus pensumque suum revocabat, incidit aetas mea, in ea,  
 quae mihi gratulor, tempora, quibus Vir Summe Reverend. Dn.  
 KLVGIVS, vunc S. S. Theol. Doct. & Eccles. Vitemb. Archi-Diac.  
 rum vero temporis LL. Artium Magister, veniens Vitemberga, &  
 praepositus Rectoris Muneri, Lyceum omne, quod Francobusae est,  
 ad curam suam transtulit. Quen cum audierim per aliquot  
 annos, docentem, delectantem, & permoventem discensium animos,  
 affertus iis, quae ad humanitatem pertinent, litteris, doctrinisque  
 ad concipiendam sapientiam praeparatus, lenam profectus sum,  
 A. 1729. ad mercaturam quasi bonarum artium, & ductus, Philo-  
 sophiae, & Legum, studio operam dedi STOLLIO, KÖHLERO,  
 REVSCHIO, & HAMBERGERO pariter ac BEKIO, BRVN-  
 QUELLIO, BVDERO, DIETMARO, DRESSELIO, Viris  
 uersatissimis in philosophia, legum scientia, & antiquitatum mo-  
 numentis, iisdemque artis suae Rosciis. Elapso fere quadriennio,*

*erat discessus in tempus aliud. Ipse igitur demum mihi redditus annos, & quod excurris, abhinc duos, ad animum reversus pristinum, veni Vitebergam, & per biennium institutus hic praeceptis monitisque summorum ICtorum, inprimis vero Illustr. DN. LEYSERI, quem submitte veneror & Magnifici DN. CRELLII, Fautoris summopere Colendi, facto nunc periculo mei, summos in iure utroque ambio honores. In quibus obtinendis, ut, quae supersunt, omnia succedant ex sententia, in votis habeo.*

Restat, ut iam superatis reliquis, ultimum eruditionis suae legalis specimen edat, atque sub Moderamine Viri illustris atque Magnifici, Domini AVGVSTINI LEYSERI, *Iuris Consulti excellentissimi, in Regis Poloniarum & Principis Electoris Saxonis aula Consiliarii, Consistorii Ecclesiastici Directoris, Curiae Provincialis ac Scabinatus Assessoris primarii & Ordinis Iuridicii Ordinarii longe gravissimi* Dissertationem de discrimine iurisiurandi affectionis in infinitum ac immensum ad L. 4. §. 2. ff. de in litem iur. proprio Marte a se conscriptam, tueatur atque propugnet. Habebit eam proxime futuro Die Idus. Quem actum solennem, ut Magnus Academiae nostrae RECTOR, illustrissimi DN. COMITES, PATRES CONSCRIPTI Civesque Reipublicae nostrae literariae additi, ac omnes, qui studiis favent, honorifica sua praesentia ornare eumque illustriorem reddere velint, Collegii & Candidati nostri, meoque nomine, omni, qua possum, observantia peto ac rogo simulque pro hoc singulari benevolentiae genere, me pariter atque Candidatum nostrum ad mutua quaevis studia, officia atque obsequia obstringo. P. P. Dominica III. Adventus Christi Saluatoris nostri, Anno MDCCXXXVII.

---

VITEMBERGAE  
TYPIS IO. DAVIDIS SCHEFFLERI.